



Universitätsbibliothek Paderborn

Antidota Evangelica contra horum temporum hæreses

Stapleton, Thomas

Antverpiae, 1595

17. Quòd si non audierit eos, die Ecclesiæ. 18. Si Ecclesiam non audierit,
sit tibi sicut ethnicus & publicanus.

urn:nbn:de:hbz:466:1-39546

num quoddam medium est, idemque inter extera infimum, quum Pastoris prædicatio & corripio magis sit ordinarium & excellens medium, quia ex vocatione loquitur. Docere hic locushæreticos hodie debet, ne blasphemiam putent, si B. Virginé aut alios Sanctos, vitam, spem, ac salutem nostram interdum vocamus: quatenus videlicet, vita, spei, ac salutis nostræ partiales causæ sunt, tametsi ne e primariæ nec integræ.

17. Quod si non audierit eos, die Ecclesiæ.
18. Si Ecclesiæ non audierit, sit tibi sicut ethnicus & publicanus.

DISCIPLINAM & censuram Ecclesiasticam à Christo hoc loco institui omnes intelligunt. Sed Ecclesiæ nomine quid intelligi debeat, non omnes rectè assequuntur. Hæretici hodie, ut Ecclesiasticā disciplinam quam à Prælatis Ecclesiæ exerceri videbant, penitus subuerterent, séque ipsos à censuris Ecclesiæ ipsaque excommunicatione immunes seruarent, nouas huius loci interpretationes commentisunt. Quidam enim toti congregationi hanc authoritatem tribuunt, tum quia Ecclesia congregationem & multitudinem significat, tum maximè quia publica censura his verbis significatur. Christus enim (aiunt illi) gradatim ascendit à priuata admonitione ad testes duos, aut tres: à testibus ad Ecclesiæ: quæ nisi plures quam duo aut tres essent, non esset gradatio, sed descendio. Totam igitur fidelium congregationem intelligant non quidem toto orbe dispersam, sed illius loci ac parœciæ cui frater corripiendus subiicitur, quia auctor sequitur forum rei. Hæc fuit prima

Ecclesia
quæ au-
dienda.

prima Lutheranorum sententia, adeo ut quidam
illorum vertant hæc Christi verba, *Dic Republicæ*, Protestā-
tum variis
sententia.
ut annotauit hoc loco Beza. Sed hos omnes tur-
piter errare idem statim affirmat. Caluinus igitur
cum suis exponit hæc verba, *Dic Ecclesiæ*, id est, *Dic*
Senioribus populi. Nam ad hunc quidem locum ita
scribit. *Legitimam Ecclesiæ gubernationem Presbyteris in-*
iunctam fuisse constat, non tantum verbi ministris, sed qui
ex plebe morum censores illi adiuncti erant. Hæc ille hoc
loco. Idem accuratè docet Institut. libro 4. cap. 3.
num. 8. & Ecclesiæ nomine intelligendos esse ait
Seniorum senatum, seu consistorium, ut nūc vocant.
Theodorus Beza in hunc locum eodem ferè mo-
do. *Evangeliſta* (inquit) *pro Seniorum collegio Ecclesiæ*
dixit. Lucas autem capite 22. versu 66. Seniores populi
το πρεσβυτερον τα λαος: quæ verba ille vertit, Ordo
Seniorum populi. Idem in Confess. fidei cap. 5. sect. 32
Seniorum senatum à Christo hoc loco intelligi affir-
mat: & in præfatione confessionis Helueticæ, in
hunc senatum Seniorum viros principes ac no-
biles qui autoritate valeant, eligendos monet.

Hinc erexerunt Caluinistæ per totam Galliam &
in Hollandia, sicut & Anabaptistæ, sua consisto- Consisto-
ria, seu Seniorum senatum ex laicis hominibus trialis pa-
testas.

Pastori adiunctis consecratis: penes quos est om-
nis potestas & iurisdictio Ecclesiastica, non solù
quoad censuras & disciplinas, sed etiam quoad
collectas pecuniarias faciendas, quoad leges mo-
rum, quoad ceremonias in cultu diuino, & quoad
dubia de fide definienda. Puritani in Anglia Cal-
uinisententiam sequuntur, nisi quod ex solis Ecclesiast-
icis viris hunc Seniorum senatum consilere vo-
lunt. Anglocaluinistæ à tota hac Caluinii forma
ex voluntate Principis dissidentes, docent & sus-
tinēt contra Puritanos, in locum horum Senio-

rum *Magistratum ciuilem* successisse . Quare apud illos, *Dic Ecclesiae*, significat, *Dic Magistratu*c* ciuili*. Ex hac sententia Musculus in locis commun. in cap. de Magistratibus, hæc Caluinistarum consistoria & Seniorum senatum multis verbis confutat. Gualterus quoque Tigurinus acerbè in illa inuehitur in comm. in 1. ad Cor. cap. 5. Quare Heluetica confessio, cui Tigurini subscripserunt, Presbyteros & Seniores cōfundit, ac pro eisdem habet. Nam & electos ad ministerium à Senioribus ordinandos, & peccantes à Senioribus corripiendos docent. Sic varia & confusa est hæreticorum hodie circa hæc Christi verba sententia. Omnes tamen in eo conueniunt, ne Ecclesiae nomine Prælati Ecclesiae, ut unus Pastor, aut Episcopus, aut sumimus Pontifex vlo modo intellegatur.

Vno autem arguento præter ea quæ iam dicta sunt, omnes innitūtur. Christus (inquit) cœfuræ & disciplinæ formam hoc loco accepit ex ipsa Synagogæ consuetudine , in qua tunc erat Synedrion , seu Seniorum populi tribunal, quorum arbitrio omnis disciplina subiacebat , ad exemplum Moysis, qui causis & litibus componendis 70. Seniores præfecit: Exod. 18. In hoc ergo iudicio, *Dic Ecclesiae*, intelligit Christus Seniores populi, non unum aliquem Pastorem. Hoc argumentum multis verbis hoc loco prosequitur Calvinus, & breuiter perstringit Beza. Sed utriusque breuiter respondeo: Tametsi probabile sit iuxta formam loquendi, ad Seniorum senatum, qui apud Iudeos erat, Christum allusisse, ideoque Ecclesiae vocabulo, quæ multitudinē significat, vñ fuius, tamen certum est quod sensus verborum eius non ad Iudaicę præsentem, sed ad suę Ecclesię futuram

Argu-
mentis
responde-
tur.

ram politiā respiciebat, quæ quia nec Democratica vt populus regat, nec Aristocratica vt pauci Seniores gubernent, sed Monarchica instituta est (Dedit enim Apostolos, Prophetas, Doctores, & Pastores in *Ephes. 4.* edificationem corporis sui, &c.) non nisi de vno Ecclesiæ Præposito intelligi possunt: vt Chrysostomus, Oecumenius, Theophylactus, & alij hoc loco intellexerunt. Sic quæ Christus de Scribis & Phariseis ad literam dixit, *Quæ dicunt, facite, &c.* de Præpositis Ecclesiæ totum intelligendum est: vt docet August. serm. 49. de verbis Dom. Chrysost. homil. 85. in Ioan. & Orig. homil. 7. in Ezechiel. Sed & Caluinus ipse, vt primam Lutherorum sententiam refutet, quæ Ecclesiæ nomine totam credentium multitudinem intelligi vult, idque exemplo disciplinæ apud Paulum, qui *1. Cor. 5.* Corinthium incestum non ab aliquo delecto numero Seniorum, sed à toto piorum cœtu excommunicati iubet, hunc in modum respondet. *Quia* tunc nulla adhuc Ecclesia erat, quæ Christo nomen dedisset, nec talis ratio de paucorum delectu adhuc constituta, ipse autem Dominus tanquam de more visitato recipi oque loquitur, non dubium est quin ad veteris Synagogæ ordinem alludat, quia absurdū fuisset, *Ecclesiæ*, quæ adhuc nulla erat, iudicium proponere. Hæc ille. Eodem modo ipsi Caluino de Seniorum senatu quæ confinxit, respondendum: *Quia* necdum Ecclesia Christi aut futura eius politia constituta erat, Dominus visitato moreloquens ad veteris Synagogæ ordinem alludit, quia absurdum fuisset, *Ecclesiæ*, quæ adhuc nulla erat, iudicium quale futurum erat propnere. Sicut ergo ex his verbis, *Dic Ecclesiæ*, Democracy in Ecclesia Christi ponî non potest propter vocem Ecclesiæ quæ multitudinem significat, vel propter exemplum Pauli qui in primis Ecclesiæ

M 3

rudimen-

Caluinus
ex seipso
refutatur.

rudimentis illa forma v̄sus videtur, sic nec Aristocratiam aut Seniorū consistoria ponere oportet propter morem Iudaicum ad quem Christus allusit: sed Ecclesiæ nomine illi intelligi debent, quibus postea Christus omnem disciplinæ Ecclesiasticæ potestatem cōmisit. Neq; enim Christus in his verbis, *Dic Ecclesiæ*, dat aliquā authoritatem futuram, ostendit quanta & qualis esse debeat. Penes autem quos futura esset, non his verbis, *Dic Ecclesiæ*, sed sequentibus illis, *Quæcunque alligaveritis super terrā*, &c. explicat Christus. Nā de Ecclesiæ Præpositis, & de vno sententiam ferente hæc verba intelligi, non solum Patres omnes semper intellexerunt, sed & ipsi hodie Calvinistæ agnoscunt, qui ipsam excommunicationis sententiam, quæ est alligare super terram, non nisi à Ministro seu Pastore pronunciari debere vnamiter docent. Postremò quid sit dicere Ecclesiæ, vel non audire Ecclesiam hoc loco, satis perspicue Christus docuit, quando non populo aut senioribus populi, sed solis Apostolis eorumque successoribus dixit. *Qui vos audit, me audit: Qui vobis spernit, me spernit.* Dicit ergo Ecclesiæ qui dicit Præposito Ecclesiæ, & audit Ecclesiæ qui audit Præpositum Ecclesiæ.

Neque tamen propterea Christi gradatio hoc in loco manca aut mutila, sed prorsus perfecta & plena est. Plus enim est vni dicere, seu apud vnum querelam deponere, penes quem authoritas est alligandi in terra quæ erunt ligata in calo, quam vel priuatim vel coram testibus corripere, qui refractarium per excommunicationem aut aliam censuram puniendi potestatem non habent. Denique sicut in veteri populo pertotum popu-

Lutherani
argumenti
solutio.

populum & totam Synagogam intelligebantur Seniores populi, ut habes Exod. 4. Iosue 20. & 1. Paral. 13. quia penes Seniores populi erat gubernatio, sic in novo statu & hoc in loco per Ecclesiam intelliguntur Præpositi & Pastores, quia hos Spiritus S. posuit regere populum Dei. Frustra ergo Cal- A&t. 20.
 vinus, Beza, Musculus, omnesque ferè huius ætatis hæretici, ex Christi verbis, Dic Ecclesie, Monarchicam in Catholica Christi Ecclesia politiam perpetuò obseruatam subuertere conati sunt. Sane quum Theodorus Beza pro suo Seniorū collegio seu senatu, consuetudinem temporis Apostolici allegaret, dicens, Quod ad nostras Ecclesias attinget, profitemur maximè nobis probari puritatem Ecclesiæ non quæ sub ipsis Apostolis viguit, Confess. fidei cap. 5. lect. 20. respondet ei Musculus in locis commun. cap. de Magistratibus: Si reuocas temporū illorum mo- Bezā refu-
 ses, primum conditiones & status quoque illorum temporum erat Muscu-
 reuoca. Et rursum: Distinguendum est inter statum Eccle-
 siarum qui tum erat, & inter eum qui nunc est. Hec ille,
 admittens quidem pro vero quod Beza affirmat
 (quum tamen sit penitus falsum, ut vel ex his
 quæ dicta sunt, satis apparet) consequentiam tam-
 men, quam Beza facit, penitus rejiciens.

20. Vbi sunt duo vel tres congregati in nomine meo, ibi ego sum in medio eorum.

Vv M hec Christi verba à Catholicis tracta- Concilio-
 toribus, tum hodie tum olim, ad perpetuam rum au-
 Christi assentiā in Episcoporum Synodis, ma- thoritas
 ximèque generalibus probandam, applicata & defeditur.
 accōmodata fuerint per argumentum à minori
 ad maius; quia si duobus aut tribus quibuscunque
 credentibus in Christi nomine, id est, in quacun-
 que

M 4 que